

Die primo Julii.

Capitolo 61 removeantur verba illa tantum quæ faciunt mentionem de possessionibus in triviana et paduana: 13, 0, 0.

Capitolo 83, verba illa, sed diebus dominicis etc. usque ad finem capituli deleantur, quoniam correctæ jam fuere: 14, 0, 0.

Capitolo 89, deleantur quia reformata: 14, 0, 0.

253 *A di 28.* La matina, fo Gran Consejo. Veneno li Procuratori, excepto sier Zacaria Gabriel sta in caxa, et sier Zorzi Emo; poi veneno dentro li cinque Correctori sentadi apresso li Cai di X di sora li Procuratori; messeno le loro parte numero . . . , et tutte fo prese senza contradiction, excepto una di dar Oxele, che li Cai di XL messeno dar una moneda per l'oficio di le Raxon vechie; et questa fu presa come dirò poi. Et per esser l'ora tarda, fo licentato il Consejo fin da poi disnar.

Di Verona, fo letere di rectori et dil Governador, et di Milan, dil Secretario. Come le cose di Milan è in gran moto e tutti in arme, et monsignor di Terbe è in gran paura, et par li Gelfi habino protestà non dagi officio a' Gibellini, perchè non starano saldi, ma prenderano partito; unde ha scritto a monsignor di Lescu subito vengi a Milan.

253* Da poi disnar fo Gran Consejo, et vene sier Bortolamio da Canal Cao di XL, era amalato, al qual tochò le tessere di star al capello insieme con sier Antonio Justinian dottor, consier, che *etiam* per tesera li tochò. Qual per esser più zovene Consier, andò a la porta di la chiesa di San Marco a menar suso il balotin tolto, qual è Hironimo di Franceschi fio di Agustin, nepote di Andrea di Franceschi secretario dil Consejo di X, puto di anni . . .

Et volendo mandar zoso per la Signoria tutti li zentilhomeni haveano meno di anni 30 non compidi, e dito questo tre volte per il Canzelier grandò, a la fin molti zoveni provadi la età, che con effecto non hanno, per li danari dati, justa la parte dil Consejo di X con la Zonta presa 1516 a di 30 Avosto, li quali adesso hanno passà li 30 anni per la dita prova, et stati XL e in altri officii, andono a la Signoria a dir non doveano esser cazadi; et fo gran contrasto, *tandem* la Signoria mandono a li Cai di X dicendo è suo officio terminar questa cossa, et li Cai andono a la Signoria, dicendo è officio di la Signoria. Unde, li Consieri terminono meter per *viam declarationis* una parte al Consejo, cazadi fuora però il

ditti hanno la età per deposito, et prima fato lezer la parte presa l'altro eri in questo Consejo in la creation di mandar zoso quelli non hanno 30 anni compidi, qual è la stampa vechia zà più di 200 anni. *Item*, leto la parte dil Consejo di X 1516, a di 30 Avosto, che vuol tutti chi depositerano ducati 100 habino la pruova di anni 25, ovvero 30 compidi, *ut in ea*. *Item*, gratie fate per il Consejo di X con la Zonta a nove rimasti XL, che non haveano la età, che deteno ducati 100 et introno; poi messeno li Consieri la parte per *viam declarationis*. Et volendo lo Marin Sanudo andar in renga et parlar per il torto si feva a' ditti zoveni provadi per danari, et havia gran campo, *licet* l'haria presa, perchè il Consejo voleva cussi che ussisseno fuora, ma vene in renga con colora sier Zacaria Barbaro qu. sier Daniel, qu. sier Zacaria cavalier, procurator, Savio ai ordeni, qual è in ditto numero di cazadi, e disse con grande audatia il torto li veniva fato, e si doveva servar la fede, acciò, ocorendo bisogno, tutti potesse prestar. Disse era ofitio di Cai di X, sotto la qual protetion haveano dà li danari; et che la Signoria li feva torto a cazarli, alegando el caso in Quarantia di quel di Scardovara, che per il salvoconduto fatoli per missier Domenego Contarini provedador di campo, *licet* non valesse, li fo sparagnà la vita. Hor ussiti li Consieri, mandono la sua parte.

Aduncha, sier Batista Erizo, sier Lucha Trun, 254 sier Daniel Renier Consieri messeno fosseno cazadi fuora, atento la parte presa in questo Consejo a di . . . di questo, che vol habino compiti 30 anni. Sier Polo Donado, sier Daniel Renier, sier Antonio Justinian dottor Consieri, messeno, atento li depositi loro, per i qual è stà concesso per il Consejo di X la età, che i possino star dentro. Andò le parte: 10 non sincere, 9 di no; dil Donado 303, di l'Erizo 1173 (?), et questa fu presa, et andono zoso con gran colora. Se lo parlava, haria auto qualche balota e non poche di più; ma non oteniva, perchè il Consejo voleva a so' modo. Et questo numero di zoveni erano assai.

Et poi fu numerato il Consejo di quelli di anni 30 in suso. Fo numero 1483, che mai più è stà tal numero in tal eletion; et poste tante balote in capelo con 30 d'oro, il Consier e Cao di XL andono a sentar al capello, e chiamato a banco a banco, il balotin cavava la balota: chi tocava d'oro era menato per uno Secretario in Quarantia civil, et li parenti non stati a capelo erano chiamati a la Signoria, numerati si cavava tante balote bianche fuora; sichè a banco, cussi come andavano a capelo, andavano zoso di Consejo fino in ultima. Et cussi fo electi 30 per